



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. De altero Mauritij & Phoca rescripto Canonibus contrario agit Gregorius,
cum summa modestia. Ejus rescissionem Principi servat.

urn:nbn:de:hbz:466:1-15591

Vide secundam
Præfationem
Mauri. p. 5.

Greg. 1. 7. ep. 11.

Nov. 152. Nefas-
tra forma. &c.

M. A. de Dom. I.
& de Reg. C. 4.

Mediolanensem & Ravennatam in Italia, Sed adeo prudenter ea in parte se gessit, ut Imperatoris iussioni paruerit, & quæ de- cernent Episcopum peregerit. Etenim dele- gata auctoritate usus, dum legem Metro- politanis mittit, eos hortatur ne in Clerum adsciscant aut in monasteriis suscipiant eos qui actionibus publicis sunt implicati, do- nec rationes reddiderint. Quod verò ad milites attinet qui converti cupiunt, docet non esse temerè suscipiendo, sed cum de- lectu. His verbis legem temperat, vel potius, quoad illam partem, ejus execu- tionem suspendit; eadem scilicet auctoritate usus qua legem proponebat, nempe dele- gatione Principis; quæ delegatio, secun- dūm morem receptum, & legis inscriptio- ne & epilogi continuebatur; ut videre est in Novella sexta Iustiniani, & alibi. Fas enim erat Praefectis prætorio, ad quorum exem- plum Edicta de rebus ecclesiasticis mitte- bantur ad Patriarchas, leges novas ad se missas in aliquo capite temperare, aut ab executione abstinere, donec quæ videban- tur pro utilitate publica, relationibus suis suggerissent. Hoc statuit Iustinianus No- vella Constitutione; quæ cavet, ne iussio- nes Principis, quæ de rebus publicis edun- tur, antea ratæ sint, quam Praefectis præ- torio insinuatæ sint. *Omnino insinuantur, in- quid, & judicio excellentie tue mittantur in provinciam: ut quæ quidem sacra forma ad detri- mentum reipublice factæ non sunt, he & sus- cipientur, coniunctanturque in preceptiones, & ab excellentiatusmittantur in provincias, qua- tenus certo fini tradantur.* Que verò ad detri- mentum reipublice per obreptionem sunt, has quidem sacra formæ tua suscipiat excellentia; non tamen prius que inibi sunt deposita faciat quam ad nos relationem ea de re pertulerit; quò magis, si quid, ut potest fieri, ad detrimentum factum est Reipublice, id corrigamus. Verba Novelle integra protuli, ut unicuique constaret quam Gregorius Magnus in le- gie Mauritiij temperanda auctoritatem ad- hibuit, jam ab ipso Iustiniano Praefectis prætorio fuisse collatam; ne quis plenitu- dine apostolicæ potestatis ad Principum leges expungendas usum fuisse Gregorium cum viris eruditissimis sibi persuadeat. Imò verò ita modestè se gerit, ut partem legis de- servandam prescribat, partem verò ad mores qui antea receptierant, revocet, id- que gratum esse Principi rescribat. Quod ille non asseruit, ac si jam certior factus es- set de novo Mauritiij consilio; (ut quibus- dam visum est ob perturbatum epistolarum ordinem in Regesto Gregorij; cùm epi- stola ad Mauritium exter libro secundo, &

epistola ad Metropolitanos libro septimo;) sed quòd eodem tempore relatione sua si- gnificabat Imperatori quid agendum esset, eique temperamentum illud gratum omni- no futurum existimabat. *Qua de re, inquit, etiam serenissimus & Christianissimus Impera- tor, mihi credite, omni modo placatur, & liben- ter eorum conversionem suscipit quos in rationi- bus publicis implicatos non esse cognoscit.* Ob- servanda verò est cautio quam adhibuit in tradenda epistola; quam non à Responsa- li Romana Ecclesia publicè redi, sed à Theodoro Medico & familiari Principis amico secretè offerri voluerit.

X. Modestia & prudentia, qua utio- portet in componendis cum Principe, quæ super ecclesiastica jurisdictione emergunt, controversiis, aliud illustre exemplum sup- pediat Gregorius. Occupata ab hostibus Isauriæ civitate in provincia Epiri, Episco- pus cum Clero in Corcyram insulam con- cesserat, delatis Donati martyris reliquiis, & rescriptum à Mauricio Principe impetra- rat, quo Castrum Cassiopi, & in eo posita Ecclesia S. Ioannis, à Corcyranæ Ec- clesiæ diccesi recisa, Episcopo Isauriæ tri- buebatur. Sed, ut monet Gregorius, iusso Mauricij, quia contra leges & sacros canones data fuerat, non habuit effectum: quia nempe Alcysonus Episcopus Corcyra intercessit executioni rescripti, quo sine causa cognitione ab antiqua possessione castri Cas- siopi deiciebatur. Lis commissa est Nico- poleos Episcopo, qui jure metropolitico provinciam regebat, innitente sibi quoque principali iussione, in qua ei hujus causæ fuerat injuncta cognitione, ut loquitur Gregorius. Metropolita item addicit Corcyrano E- pisculo. Sententiam confirmat Gregorius; ea tamen benignitate in peregrinum Epi- scopum Isauriæ usus, ut donec pax redin- tegrata esset in civitate Isauriæ, precario castrum Cassiopi retinere posset. Tamen inter ipsa Phoca Imperatoris exordia, per subreptionem ab eo elicito rescriptum fuit, quo Cassiopi possesso Episcopo Isauriæ confirmatur. Quid faceret Gregorius, qui canones infractos, judicium redditum à Metropolita & à sede apostolica rescri- pto Principis eversum videret? Bonifacio Diacono Responfali suo, in urbe regia de- genti, dat in mandatis ut Phoca rei gestæ ordinem suggerat, atque id agere studeat, ut cum ejus iussione, nostra illuc sententia transmi- tutur, inquit ille, quatenus & serenitati ipsius, sicut dignum est, reservasse & rationabi- liter correxisse quæ male presumpta sunt videa- mur. *Qua in re omnino danda opera est ut, si fieri possit, etiam iussionem suam ipse tribuat,*

De Responsali
vide lib. vi. cap. 3.

Greg. 1. 11. Ep. 11.
C. 1. 11.

in qua ea que à nobis definita sunt servari precepit. Nam hoc facto omnis de cetero surreptio-
nis locus obstruitur. Egregie utrumque exse-
quitur; injuriam illatam ab Episcopo Isau-
riæ vult coercere, & quæ ab eo male prä-
sumpta sunt corrigeret; sed rescripti aboli-
tionem Principi servavit, ut par erat & di-
gnum; suämque sententiam altero rescripti
pro Principe muniri curavit. Spes non de-
stituit Gregorium; qui statim post datas
prioris literas, dissidium partium compo-
suit.

Eadem modestia se gesserat Pelagius er-
ga Childebertum Regem; qui jusserrat Sa-
paudo Arelatensi ut inferioris Episcopi ex-
amen subiret. Hoc alienum ab ecclesiasti-
ca lege & à ratione cùm dixisset Pontifex,
subiungit: *Pro quibus Christianitatis vestre
confidentia fredi, paterno studio postulamus ut
si quid tale factum est, congrua satisfactione
celeriter amputetur, nec ullum sui exemplum in
perturbatione Ecclesiarum, quas vobis Deus cre-
didit, relinquere concedatur. Et in hujusmodi
causis sollicitam vos in reliquo decet adhibere
cautelam ne quid contra ecclesiasticas regulas pe-
tentibus concedatis.* In eandem sententiam extant epistolæ Gallicanorum Episcopo-
rum ad suos Reges in alia specie, quæ rela-
tæ sunt capite nono §. iv. & v. hujus libri.

CAP V T X I I .

Synopsis.

I. *Tuitio Ecclesia eiisque Decretorum, Regibus Francorum in regno competit. Initium illius juris reper-
tendum à Clodoveo, qui Defensor Fidei dictus à Re-
migio. Ejus in rebus canonici porestas.*

II. *Defensores Ecclesia dicti Reges secunda dy-
nastia à Concilio Parisiensi, & Aquitanensi. A
Christo tuendam suscepunt Ecclesiam, eiisque
disciplinam, ut docent ea Concilia, ex Isidoro, &
Fulgentio.*

III. *Efectus Tuitionis erat, Confirmatio cano-
num. Cur eam ab Imperatoribus Synodi Oecumenica
postulaverint, non autem à Regibus Francorum. A
Regum nostrorum sollicitudine pender ecclesiasticorum
ordinum integritas, ē Pelagio. Presidium Childeber-
ti implorat Gregorius M. ad statutorum suorum exe-
cutionem.*

IV. *Non solum manu regia, sed etiam legibus
latiis canonum executioni propiciebant; ut Clotarius
Rex, Pippinus & Carlomannus Duxes Francorum.
Et præ ceteris, Carolus Magnus. Capitulari Aqui-
tanensi Episcopos offici monet, transcriptis verbis
canonum, quibus legis robur addit. Ita se monitorem
prefat ut emendet, exemplo Iositi Regis.*

V. *Hoc Capitulare transcriptum est à Lothario
Imp. in Editionem suum, quo multam interrogat iis qui
leges illas infringunt. Leo IV. spondet se Capitula
illa obseruantur. Leo I. legibus à Marciano latiis
in presidium legum ecclesiasticarum se subjecit. Ca-
pitularia Regum nostrorum accepta Ecclesia Gallicane.*

Explicata Synodus Meldensis.

VI. *Non solum antiquos canones, sed etiam no-
va Decreta Romane sedis, & legibus suis tuebantur
Reges. Quod probatur duabus exemplis. Vnum respi-
cit Presbyteros suspectos, sed canonice non convi-
ctos. Consultur Leo III. à Carolo M. Ejus respon-
sio in Conventu Regni expensa, & de consensu Epis-
coporum & Procerum. Edicto regio confirmata. In
quo versaretur hac difficultas, explicatur. Presbyteri
suspecti, purgati iure iurando.*

VII. *Alterum exemplum respicit Chorepiscopos.
Dubitatur de ordinationibus Presbyterorum, Dia-
conorum, & Subdiaconorum, quas illi peragerant, &
de ceteris quibusdam capitibus. Consultus Leo III.
à Carolo M. responder omnia esse irrita, damnados
Chorepiscopos, & trudendos in exilium. Responsum
Leonis in synodo probatum, & regio Edicto confirma-
tum; exceptis paenit, quas Episcopi molliverunt. Ex-
plicata hec clausula. Permittente Apostolico.*

VIII. *Reges tertie dynastie ad Tuitiōnēm liber-
tatis ecclesiastice à Deo designati dicuntur à Gregorio
IX. Legibus munierunt ecclesiasticam disciplinam.
B. Ludovicus Edicto Canonum executioni consultus.
Eumque fecuti Reges à Carolo V. usque ad hanc
atatem.*

IX. *De altero hujus Tuitiōnis effectu dicetur li-
bro quarto. Necessest Concordia Sacerdotij cum Im-
perio probatur à Gregorio secundo. Septima Synoda,
Ecclœga Leonis, Damiano, Arnulfo, Bernardo, &
auctore anonymo.*

I. **V**A M Principibus ex jure divino
& ex universalis Ecclesiæ praxi af-
seruimus, Ecclesiæ ejusque Decretorum
Tuitiōnēm, Regibus Francorum à Galli-
canæ Ecclesiæ Episcopis vindicata est. Huic
Patrocinio regiam Francorum dignitatem
devovit Clodoveus, cùm sacro baptismo
tinctus solennem fidei professionem emisit;
ita tamen ut manumislaus à servitute pecca-
ti, & gratia vindicta in libertatem Christi
assertus, à regni libertate non exciderit,
sed eam ad Ecclesiæ Libertatem fovendam
æterno foedere conjunxit. Pagani & Ari-
riani Occidentem miserè lacerabant, &
variae per Orientem hærefes latè graßaban-
tur, cùm divini numinis benignitas labo-
ranti Ecclesiæ prospexit, procurato Liber-
tatis Christianæ acerrimo vindice Clodo-
veo: qui repudiati idolorum cultu, & Ari-
riana hærefes calcata, qua Aquitaniam, His-
panias, & Italiam imperio tenebat, se ca-
tholica Ecclesiæ partibus addixit, eique
arbitrio suo & delectu vera fidei victoriā
peperit. Vnde non dubitavit Avitus de hoc
religionis triumpho, invictissimo Clodoveo
literis suis gratulari. *Invenit quippe temporis* Avitus ep. 41.
*nostro, inquit, arbitrum quendam divina pro-
viso. Domini vobis eligitis, omnibus judicatis.*
*Vestra fides, nostra victoria est. Itaque sta-
tim assecutus est Defensoris fidei nomen,*
quod regno suo felicibus auspiciis adscri-
ptum in posteros transmisit, meliori fato
M ij